

欽定大清會典圖

欽定大清會典圖卷二百四十一


輿地一百三


廉州府圖

雷州府圖

瓊州府圖

廉州府圖






廉州府在省治西南一千八百里。至


京師七千二百九十四里。領縣二。治合浦。西北靈山。海在府治南境。東接高州府石城縣界。西接欽州界。西門江一曰廉江。自廣西鬱林州博白縣西流入界。經合浦縣東北。右納小江。及張黃江水。又西南為羅成江。武利江出府治北。合望水南流。錯入欽州界。復南流來注之。又西南經府治北。洪潮江亦自西北來注之。又分三支入於海。洗米河在府治東南。東與高州府石門縣接界。南流入於海。陸屋江出靈山縣東北。中秀

嶺。合六禾水。東墟水經縣南。曲折西流。右納高  
望嶺水。龍門江下流江水。又西入欽州界。府東  
界高州府。西至南界海。北界廣西南甯府。東北  
界廣西鬱林州。西北界欽州。

雷州府圖








雷州府在省治西南一千五百十里至


京師七十四里領縣三治海康東南徐聞東北遂溪海環府東西南三面東北接高州府吳川縣界有東山島及廣州灣西北接高州府石城縣界石門港在遂溪縣東與高州府吳川縣分界上承高州府石城縣東橋水東南流東溪出遂溪縣北西南流合西溪鳳凰村水折東北流注之又東南入於海城月水出遂溪縣西南螺岡嶺西南流復折東南北京灘水武樂水並南流注之又東南入於海南渡水出府治西北博政

村東南流又折東北經治南屈東流北出支津  
為大肚河經遂溪縣南合特呂塘水東流入於  
海其正渠東流為雙溪港經麻演渡屈東流入  
於海乾零水出遂溪縣西南擎雷水出府治西  
南並東流入於海大水溪出徐聞縣東北龍牀  
嶺合葫蘆溪西南流經縣北高山嶺折東南流  
至海安所城折西南流為海安港入於海邁勝  
溪出徐聞縣東北西南流為龍潭溪入於海遇  
賢水出徐聞縣東北合青桐港西流入於海頓  
吞水廉賓水亦出縣北合西北流入於海靈壺

水亦出縣西北。經東場司西。流入於海。暗鋪港  
出遂溪縣西北。牛鼻水出遂溪縣西南。並西流  
入於海。府東西南俱界海。北界高州府。

瓊州府圖







瓊州府在省治西南一十八百一十里。至

京師七千三百四里。領州三縣十。治瓊山。南萬  
州。西澄邁。東南文昌。會同樂會。西南定安。臨  
高。儋州。昌化。感恩。崖州。陵水。府懸居於海。建  
江出儋州東南五指山。西北流歧為二。一西  
北流為北門江。經州北折西為十碛港。過新  
英市。匯為新英港。新昌江北流注之。又西南入  
於海。一東北流為建江。經臨高縣西南。北出支  
津合。迎恩水為文瀾水。經縣東入於海。其正渠  
東北流。經澄邁縣西南。折東南流。右納新田溪。

為新安江。又經府治西南為白石河。折東北。經定安縣西北。南遠溪合東洋水。北流注之。又東經縣北。右納南白溪。潭覽溪。仙客溪。折北。經府治東。左納南消溪。南湖水。為南渡江。經治北。海口所入於海。北洋港在府治東。北流入於海。三江水上。承文昌縣北排港溪。下圓溪。東圓溪。西北流入於海。文昌江二源並出文昌縣西。合東流。白石溪自西北來會。白芒溪自西南來會。又東南平昌溪合數小水來會。為官甯港。南流入於海。白延溪出文昌縣西南八角山。東南流合

二小水入於海。大橋溪。軒村溪。合水溪。溫洋溪。並出會同縣東。東南流入於海。萬全河出定安縣西南大五指山。東流經樂會縣西。合北來一水。屈東北為峻口河。左納太平水。為合口河。又曲折東流。左納留古溪。又東南受五灣水。水上流為龍角溪。出會同縣西北。東南流。黎淦溪合禮曹溪。西南流注之。又東南注合口河。合口河又東南分流環縣治。復合。又東南九曲河。蓮塘溪合流來注之。為博鰲港。又東南入於海。龍滾河出萬州西北。東流。流馬河自樂會縣西東南

流注之。又經樂會縣西南分支渠二。一曰九曲河。一曰蓮塘溪。合東北流注博懿港。正渠東南流經萬州東北入於海。都封水出萬州西東南流分為四支。曰和樂港。曰港北。港曰石狗澗。曰金仙河。並東南流入於海。踰容河亦出州西北歧為二。並東南流。右合石龜河入於海。南洞洲水大霖水並在陵水縣東入於海。大河水出陵水縣西北。合指奇弓水。多昧弓水東南流經州北。左納石門水。鹽村水。右合筆架山水。東南流為桐樓港入於海。青水塘水亦出縣西北東南

流歧為二一東流合二小水為筆架山水注大  
河水一東南流為窰子港入於海上窰村水合  
口港水並出陵水縣西東南流入於海椰瓚水  
椰根水並出崖州東合東南流入於海多銀水  
亦出州東合三亞水東南流與白沙水並東南  
流入於海甯遠水出陵水縣西北屈西南流經  
崖州東南歧為二一西北流環州治而南為抱  
漾水入於海一南流入於海石溪水合抱漾水  
與望樓水並南流入於海安村水在崖州西入  
於海感恩水出感恩縣東西南流折西歧為二

一為南龍江一為小南港並西流入於海樂安  
河出陵水縣西北大五指山西南流經崖州北  
樂安司南折西北經感恩縣東昌化縣東南為  
昌江又西北經縣治南分流入於海安海江出  
昌化縣東沙溝江出儋州西南並西北流入於  
海榕橋水出儋州東西北流入於海稍陽水合  
沙地水東北流澄江合九曲水西北流並在澄  
邁縣西入於海五指山黎安嶺並在府西南府  
四面俱界海

欽定大清會典圖卷二百四十二

輿地一百四

連山廳圖


佛岡廳圖


陽江廳圖

赤溪廳圖

連山廳圖









連山廳在省西北一千二百三十二里。至

京師四千四百六十四里。橫水出廳西北天堂嶺。  
合黑山腳水東南流。鷺兒水東北流注之。又南  
折東經治南。又東小水沖水東南流注之。茂古  
水東北流注之。又東北入連州界。廳東界連州。  
西及西南界廣西平樂府。北界福建永州府。南  
界廣西梧州府。

佛岡廳圖







佛國廳在省治北四百四十里。至

京師五千一百二十四里。吉河水出廳東獨凰山。西流經治北。右合神逕水。黃阮尾水。三度水。折南。黃沙河合。長嶺水。東南流來會。又南右納一小水。又南入廣州府清遠縣界。黃華水出廳南。西南流亦入清遠縣界。楓逕水出廳東北。西流獨凰山水合。黃塘逕水北流注之。折東北。楊梅塘水東南流注之。右納一小水。曲折東北。流入韶州府英德縣界。廳東至南界廣州府。西至北界韶州府。東北界惠州府。

陽江廳圖








陽江廳在省治西南七百三十里。至

京師六千二百二十四里。海在廳南。東接廣州府新甯縣界。西接高州府電白縣界。漠陽江自肇慶府陽春縣東南流入界。經廳西北左納輪水河。右納鷺埠田涌水。又東南第八河合那令水。鳳凰山水西南流注之。歧為二並南流。支港互通。西支為西河。造性涌合濂水東北流注之。又東南右納石灘涌左納三洲水。又東南會東支。南流經治南。支津南出為三洲水。又東南那龍河自肇慶府恩平縣來合那關水。河岡水南流。

注之。又東南會西支。又東南入於海。坡尾河出廳西。合老虎逕水。營子河橫河。涌水程村水。東南流。織簣河合蒲排水。大湖水東北流注之。又東南左納龍窩水。近河水入於海。那棉河在廳西南。東南流為新涌港入於海。雙魚港出廳西南。經雙魚所城南流入於海。北額港出廳西西南流。又南左合古井水。馬山水石龜嶺水為五藍河。又南入於海。廳東界廣州府。西至北界肇慶府。南界海。西南界高州府。

赤溪廳圖



[illegible]

赤溪廳在省治西南四百一十五里至

京師五千九百九里。海環廳東西南三面。東北接  
廣州府香山縣界。西北接廣州府新甯縣界。東  
南有大襟小襟諸島。東西南三面界海。北界廣  
州府。



欽定大清會典圖卷二百四十三

輿地一百五

連州圖

羅定州圖

南雄州圖


嘉應州圖

欽州圖

連

州

圖






連州在省治西北一千一百七十一里。至


京師四千五百二十五里。領縣一。東南陽山。匡水  
一曰湟水。出州西北山。合槃水。石馬瀧水。五溪  
水。東南流。至州治西北。奉化水。二源並出州東  
北。合潭源洞水。黃嬌水。保安水。西南流來會。折  
南。高良水上承連山廳之橫水。東流合沿陂水  
來注之。經州西。又南。右納倒流水。神頭沖水。為  
連州江。東南流。經陽山縣西北。洞冠水出縣西  
北白石山。合三小水。東南流注之。又南折東。經  
縣治南。七鞏水出縣西南石龍潭。合三小水。東

流折北注之。又東南大陂墟水出縣東北天門  
嶺。合二小水南流注之。又東南入韶州府英德  
縣界。州東界韶州府。西界連山廳。北界湖南郴  
州。南界廣西梧州府。東南界廣州府肇慶府。西  
北界湖南桂陽州永州府。

羅定州圖








羅定州在省治西南六百八十九里至


京師六千一百八十三里。領縣二。北西甯。東北東安。西江自肇慶府封川縣入界。南流經西甯縣北。折西南。其東為肇慶府德慶州界。大燕水東北流注之。又南折東經縣北。桂河出縣西北合文昌水寶珠水東北流注之。其北受德慶州境之潯水。又經東安縣西北。受南江。江上流為瀧水。出西甯縣西南山。屈東北流經州西南。石印水自高州府信宜縣來西北流注之。折西左納新榕河雲致水。經州治西。三都水上承上瀧水。

及二小水來注之。折東經州治北到沙河出西甯縣西南合小崗水。新樂水東南流注之。折東南經州治東。又東北經西甯縣東南。濂清水東流注之。東水出州東南合船步水北流注之。又東北圭河水出州東北山西北流注之。宋桂水出東安縣西西北流注之。又東北左納牛墟水。古蓬水注西江西江。又東經東安縣西北左受馬墟水。經縣治北。又東右納逢遠河。大絳水左受悅城河。又西入肇慶府高要縣界。蟠龍水出西甯縣西北。東流折北入封川縣界。雙濬水出

東安縣西南。南流入陽春縣界。唐窩水自肇慶  
府新興縣北流入東安縣東南境。復錯入新興  
縣為錦江。復經縣東南為新興江。合客朗水東  
北流入肇慶府高要縣界。州東南北界肇慶府。  
西界廣西梧州府。西南界高州府。

南雄州圖





南雄州在省治東北一千一百七十里。至


京師四千三百二十四里。領縣一。西南始興。湏水出州東北山。南流經洪厓山麓。昌水亦出東北山。西南流來會。又西南左合平田水。芙蓉水夾水。右合東溪。又西南大庾河出梅嶺。經紅梅司合鯉魚河南流來會。經青嶂山北。是為湏水。又西北左納長潭水。右納沙水。經州治南。又西北連水東南流。合浚水折西南注之。又屈西流。左納修仁水。右納半徑水。又經始興縣東北。安水俗曰都安水。上流為羅溪。合南石巖水西北流。



注之。又西。右納平石水。大坪水。經縣北。又受始興溪。溪上流為清化水。上承縣西南墨江律水。暖水。亞桂山水。大黃屋水。黃沙壩水。榜阮水。經清化。逕司東。曲折西北。流為大瀾水。又為涼鐵水。右納天平架水。經縣治東南。溯水出縣東南。合數小水來會。又西南。官石水合劉田水。東北流注之。又西注湏水。湏水又西北入韶州府曲江縣界。為北江。石陝水塘源水並出州西北。西南流入韶州府仁化縣界。州東至南界江西贛州府。西及西南界韶州府。北界江西南安府。

嘉應州圖

[illegible]



嘉應州在省治東北一千二百八十二里至

京師六千七百七十六里。領縣四。北鎮平。西南興甯。長樂。西北平遠。清溪水上承惠州府龍川縣練溪。東南流入界。經長樂縣西。左納鐵場水。右納雙頭水。又東經縣南。左納董源水。新河水。又東南右納南林溪。瓦鼓水。又東南會琴江。江二源並自惠州府永安縣來。北曰北琴江。東流入界。經長樂縣西南。合大小荊水。至琴口與南琴江會。南曰南琴江。東北流入界。亦經長樂縣西南。合南峒水。羊石水。會北琴江。又東北右納毒

水嶂水。又至十二都司左納橫江水。右納羅經水。又東北右納石門水。蕉州水。左納薯莨嶂水。又東北與清溪水會。清溪水折東北流。右納竹塘水。又東北經興甯縣東南。會興甯江。江出縣西北。楊梅嶂東南。流羅岡水。合龍歸水。西南流注之。又南左納潭阮水。右納右別溪。又南左納石馬溪。經縣治西。金帶水環縣城。西流注之。又東南左納洋湖溪。又東南與清溪水會。是為興甯江。又東北經州西南。為梅江。右納南阮水。左納大竹堡水。及程江水。經州治南。又東古田水合。

龍尾阡水南流注之。又東北。右納酉陽溪。又東北受周溪。溪上流為石窟溪。出平遠縣西北曰縣前溪。合一小水東流。錯入福建汀州府武平縣界。折東流。復經鎮平縣西北為石窟溪。左納楊子山水。右納桃溪水。經縣西。又南。東山水經縣治南。分西流注之。又南。河頭水合壩頭水。大柘水東南流為橫梁溪。又合同福河為徐溪。東流注之。又南。左納半山水。又東南為周溪。注梅江。梅江右納兩市水。東北流。北阡水合黃蟻水。東南流注之。又東北。松溪出鎮平縣東北。合礫


頭溪東流折南注之。又東折南入潮州府大埔縣界。州東至南界潮州府。西及西南界惠州府。北及東北界福建汀州府。西北界江西贛州府。




欽

州

圖





欽州在省治西南一千九百里至

京師七千四百八十四里。領縣一。西南防城海在州南境。東接廉州府合浦縣界。為防城縣南境。又西接越南界。欽江上承廉州府靈山縣陸屋源水西南流入界。經州東北左納深溝橋水。經林墟司東。西南流左納金雞嶺水。蘇屋村水。青塘墟水。白鶴洞水。鯉魚塘水。硃砂村水。經州治東而南歧為二。一南流右出支津通橫江折東南入於海。一西北流為橫江折西南合東來支津水。又西南二支合流為貓尾海。又東南為龍

門港分支津為濠涌水並南入於海魚洪江上  
源為那蒙江自廉州府靈山縣西南流入界經  
州北左納蝦子塘水屈西南長灘水出州西北  
屯江村北流折西合舊營村水錯經廣西南甯  
府宣化縣合那崗水折東南來注之右納奇靈  
村水西南流大寺江一名團良江合板底村水  
那淥水三又村水貴台墟水長岡鋪水北枕村  
水東流注之又折東南右納長灘坪水左納鶯  
嘴巖水東南流為魚洪江折西南流經州西受  
大直江江出防城縣西北鹿豹嶺合賣竹江東

南流。那狼江合。埭飄江東北流注之。又東南。左  
納板馬村水。右納開元嶂江。又東南注魚洪江。  
魚洪江又東南入貓尾海。平銀江出州東北開  
炭嶺。曲折南流。左納一水。右納鳳凰江。為那賓  
江。又曲折西南流。經州治東。右納分離水。折東  
南。右納思倫江。又東南。丹竹江出州東。那造嶺  
南流。折西合滑石江。青水窩水來注之。又南。經  
九河口。為大觀港。入於海。其支津為沙環水。西  
南流入於海。武利江自合浦縣緣界南流。經州  
東合嶺子村水。又南。三合水合蓮塘村水。那思

墟水梨竹江牛營江東流注之。折東南仍入合浦縣界。防城江出防城縣西北稔賓山。合曉峯水東南流。左納那勤隘水。右納大勒山水。又東南。滑石江合二小水東流。折北注之。又東經治南。又東折南入於海。洪江出防城縣西大勉山東南流。左納舊塘水。右納九曲嶺水。南流經江平司北。又東南入於海。北崙河一曰北市江。二源一出防城縣西北牛營嶺西南流。一出縣西南。拷邦嶺。合歌頭江東北流。二源至北崙汛相會。南流右納嘉隆江。折東左納那良江。又東南

分流入於海。板興水出防城縣西南山。合越南  
來之江華水西流。那含水三源合南流注之。又  
西南入越南界。州東及東北界廉州府。西界廣  
西上思廳。北界廣西南甯府。南界海。西南界廣  
西太平府。